

GOSPEL TANGKOU

(GOSPEL HERALD)

Issue No. 5

Volume: XXXVIII

OCTOBER – NOVEMBER: 2024



BISHOP IN KHUPGOUVENG LA LUTNA NEI



UPA & PASTOR TEN THUMNA NEI



UPA CAMP



ELCB 6th ANNIVERSARY

KUM THUPI:

“PASIAN TOH ZAWHKHAWM” (*Gen 6: 9*)

Editor:
RT. REV. KHUP DO KHEN,
BISHOP

EDITORIAL BOARD:**Editor**

Rt. Rev. Khup Do Khen Bishop

*Mobile: +919612388924**E-mail: khupdokhen@gmail.com***Join Editor:**

Rev Suanboi Tungdim, Director of Ministries

*Mob: +918837008618**Email: suanboi@gmail.com***Managing Editor:**

Pastor M. Kamneithang Zou

*Mobile No: +918974609177**E-mail: pastormthangboizou@gmail.com***Contributing Editor:**

1. Rev Dr. Hangminthang
Mob: +919612997858
2. Rev. Thangliankham
Mob: +919862830905
3. Rev T. Chinlunmang
Mob: +917630854610
4. Evan. Ginminlun Tawtah
(Youth Promotor)
5. Mr Jangkholen Mate
(Mission Promotor)
6. Nh. Nuamboi
(Women Promotor)
7. Divisional Superintendent teng

Design & Setting:

Upa Khuplajem Guite

Circulation Manager:

Pa Dongzakam

Mob: +919612198903

Upa Tutzamung

*Mob: +918731830436***CONTENTS**

1. EDITORIAL	: 1
2. COMMITTEE HISEL, NASEPNA HISEL	: 2
3. KIPAH TAH A MANG NASEP	: 5
4. PASIAN ZAUNA	: 10
5. DAIJANG REVIVAL KHAWMPI	: 15
6. WELCI ROUND TABLE CONFERENCE REPORT NA	: 20
7. HA CHIN A KUM THUPI HILCHETNA	: 24
8. MISSION COLUMN	: 25
9. ELWA COLOUMN	: 27
10. LYF COLUMN	: 30
11. MELC UPA CAMP 2024 TOMKIM PULAH NA	: 34
12. MELC INNSUNG THU	: 35
13. SUUNNA	: 40

Life Member : ₹ 3000/-**Patron Member** : ₹ 2000/-**Kum Khat lah man:**

- i) Khut ah ₹ 200/-
- ii) Dah ah ₹ 250/-

Article zousie Managing Editor leh Editor kung a pieh ding; ahilouleh, Email in melcqrts@mail.com leh WhatsApp tungtawn a zong piehthei ding ahi. A lahma
Circulation Manager kung a pieh ding ahi. Tualeh Article kigel zousie Editorte
ngaidan ahikim suoh sih hi

Editorial laikung pan



KI ITNA

Tangtel: Johan 13: 34-35

Thupieh tha ka hing pie hi, noute khat le khat ki ittuo chiet un, ken noute ka hing it bangin noute ki ittuo chiet un. Noute khat leh khat na ki it tuo chiet uleh, ka nuazuite na hi uh chi miten ahing thei ding uhi, achi hi.

I Laisiangthou in, kei na hing it uhleh ka thupiehte zui un ana chi hi. (Johan 14:15). Eite pen Pasion thuchiem zuidinga phuut te ihi uhi. Ama adinga techi pang dinga lamet te ihi uhi. Itna zong midangte sanga ahau zaw dinga gingtatte ihi uhi. Tuama bangin, Pasion zong a itdeu diehte ihi ding uh ahi.

Tuabanga Pasion itna nei Khristiante ihi ua ahileh, alou theilou a athupiehte zuite zong ihi tei tei uh akul hi. Khat le khat iki ittuona zieh ua, midangte'n, Pasion tate ihidan uh ahing mu ua ahing thei ding uh ahi pan giap hi.

Tambanga, A nna isep i Mangpa Pasion in, eite lah a kinepna lienpikhat ahing nei laitahin, ahiloulam leh akilebul lam ah khankhua ina zang hoi mama uhi. Koi ki ittuo malah, aki lungsim bawl, akidap huat, mawna khelna kitangtuo, phulahnopna lungsim nei, enna, huatna, kisiatna, kihauna, kimudana, lungsim toh Pasion tate chia kiminvaw pau pau te ihi uhi. Tambang lungsim toh Manggam nasem a kalsuante ihi uhi. Tambanga Pasion nasem apang mite'n, ama uh mimal leenggam kehlet utna lungsim lienpi anei ut ua, Pasion leenggam akeh neu deu deu uhi.

Mi'n Pasion a it sih leh ama-le-ama zong a ki it tuon sih hi- Jonathan.

Tuachiin, Pasion leenggam kehletna dinga, Ama nasem akipia, ihi ua, atatna sisan in eite zong ahing huam kha a ikithei leh, khat le khat ki ittu chiet ta va ui. Pasion pen itna Pasion ahi hi. Ki ittuona loungal koima bangma basih un chi in zong i Laisiangthou in ahing hil hi. Pasion tate ihina uh ahing kilattheina ding leh imi hinpite toh iki ittu theina ding in itna lientah inei chiet ta ding uhi. Amen. ■■

SERIAL-2

COMMITTEE HISEL, NASEPNA HISEL

(Healthy Committee, Healthy Ministry)

"Aman Ama a kipat in tahsa pumpi a unpi in kizopna thagui zousie in a kizomsah a, aphanhawm hi, tuate ziehin tahsa hiengte chiet in ama ama sep ding chiet asepi chiengin, tua tahsa pumpi a khangsah a, itna ah ama leh ama kibawl hoi in a khangtousah hi" (Eph. 4: 16).

Hattuom khu innkuon tampi kigawm khawm innkuon/ innsung khat a um ahi. Sawltah Paul in, mihing pumpi tung a hieng tuomtuom um tobangin agen hi. Hiengte'n nasepdan, mopuohna tuomtuom anei hi (1Kor. 12: 12-25). Tulai hattuom damtheina khu committee tuomtuomte ah akinga mama ahidan thei thei ahi. Pasator damthei in hat zong leh committee te'n akithuopi lou leh, hattuom khu ahahat ding bang in ahahat thei sih ding hi. Hattuom sung a committee tuomtuom damtheite:

1. LOCAL CHURCH COMMITTEE (LCC) HISEL:

Tualsung Hattuom (Local Church) a buoina tamzawte khu LCC zieh ahi, tami buoina venna ding in Upa hoi (good elders), Hagau mi, Mi thutah leh ginum ahi ngai ding hi.

Nasp. 6: 3 nan agen, "na lah ua Hagau Siengthou leh pilna a dim, mi min hoi ngen sagi tel un", tabang in LCC member ding bawl thei chiet lei, i hattuom uh hisel in damthei mama ding hi. Tualeh LCCte'n "nasemtu suoh, sawltah" (an attendant),

Electict bulb ka bawlthei na zieh khu, Bible ka sim zieh ahi- Thoman Edison.

dokan suhsienngu (a waiter at table), suoh (servant) ahina uh kitheichien in kingaangiem tahin nna sem uleh buoina tampi aveng ding hi. Upa ahina kithei chienlou a tahsami, thunei ut, hinkho siengthou zanglou tampite ziehin hattuum tampi buoilouna ding ah ibuoi uhi. Alangkhat ah, Upa (elder) mipi ching, Hagaumi, Pasion ngaisah, silhoi dei, kingaangiem mi ineite ziehun hattuum khu chidam in mailam nawtin apei zel hi. Upa khen khat Pastor umlou ni a zong muolphou lou kei a panla leh nasem tampite kipahpi huoi in zong patathuoi mama uhi. Upa ahina kithei a Pasion masang a kingaangiem a Pastor zabawl a ginumtah leh taimahtah, kukaltah leh thanuomtah a Mang nasemte ziehin i hattuum uh adam in ahisel a kipah huoi mama hi. LCC sung damtheite'n hattuum sung ah genthei, taga, meithai, tasamte akandoh ua, vehna anei ua, athumpi ua, apanpi ua, lungsietna leh itna asuh lang uhi. Tuachin meithai leh tagate'n hattuum sung ah

muonna leh bitna, kipahna ahing nei chiengun, Pasion a kipah a hattuum sungah damna leh hiselna aum hi. Pasion akipah chiengin hattuum sungah, "Halhana (revival) lungkimna leh lawchinna'n ahing zui hi."

2. MISSIONARY BOARD

HISEL: "A ginglel pawl khatte tungah lainatna nei unlen, midangte zong meikuong a pat kaidoh unlen, hunkhie unlen, a tahsa uh asuhua a puon silte uh na ngawn kidah un" (Juda 22-23). Hattuum sung a committee um lah a poimawpen khu Missionary board committee khu ahi. Hattuum damtheite'n Missionary nasep khu amasapen leh alulpenin akoi uhi. Hattuum nasep poimaw pen khu hagau mangthai hundoh ding ahi. Hagau mangthai mat sang a lulzaw, manphazaw, kinzaw leh poimaw zaw aum sih hi. Hattuum damtheite'n inn mun ah hagau mangthai aman ua, mundang, gamdang ah zong hagau mangthai awlmohna ziehin missionary nasep apanpi (support) uhi. Hagau mangthai

.....

*Na lungtang Pasion kungah pia inlen, nna lunglutath a sep leh siltup ah na hinna pia in; tuachi'n na hinna athawn ahi sih ding hi- **Unknown.***

matna tungtawn in hattuom a kipahna, halna, kipumkhatna aum a tuami'n hattuom sung ah damsah in ahah sah hi. Hattuom hagau mangthai manlou a hisel ngai sih ding a, hattuom hagau mangthai mante ase ngai sih hi. Tuazieh in, hattuom "hisel theina leh chiemtena hoipen khu hagau mangthai veina, awlmohna, puonatna leh matna ahi hi"

3. NUMEI PAWL HISEL:

"Kenkrea khuo a hattuom nasem i unaunu uh Phoibi na kung uah ka hing meltheisah hi" (Rom 16: 1). Tamnah, "nasemtu" kichi khu Mangham in "Servant" suoh chin akilet a, Bible Version tamzaw in "Suoh" chin alet ua, Amplified Bible in "Upa" (deaconis) chin alet hi. Tuazieh in, Phoibi khu hattuom a Upa (deakonis) hi ding ahi. Hattuom masate hunlai in numei Sawltahte (apostle) kithuopitu, numei damloute kemtu leh panpitu aum uhi. Tang ni ah "aziehpem ama nun zong mi tampi ana panpita a, kei zong a hing panpi hi" (16: 2) achi hi. Phoibi in panpi ngaite, damloute tasamte,

gentheite leh ahatloute ana panpitu leh hanthawntu ana hi a, tuama bangin deacon board (LCC member) ten zong hattuom sung ah silhoi lam chi tuomtuom in abawl ua, mi tampi dingin kipahna, hamuonna leh hatna atun hi. Tuachi'n numei pawl tungtawn in hattuom sung ah kipahna leh halhana, lawchinna leh lungkimna nasatah ahing umta hi. Numei pawl te kalsuon kilawm leh kituahte ziehin hattuom in hagaulam ah kipahna loupitah atang hi.

4. KHANGLAI PAWL HISEL:

"Ni hoiloute ahing tun a, kum leh hate ahing nai a, atung uah kipahna mawngmawng ka nei sih, na hing china ding hun ahing tun masangin; na khangdawn lain nang hing siempa thei zing in" (Thug. 12: 1). Hattuom damthei na din Khanglai Pawl in "**Praise and worship**" alamkai ua, kikhop chieng a lasa nuomtah leh hingtah a sah in aum a, tam phatna late tungtawn in mipi tampi'n hagaulam ah kipahna leh halna anei uhi. Khanglaite tungtawn a biehpiehna leh

.....

*Min khatvei ang sol leh ama adin zumhuoi, nivei ang sol zou levang, ei adin a zumhuoi hi- **Italian Thupil.***

phatna (praise and worship) anop ziehin mipite akipah ua, kikhop ding akilawp leh thanuom un kikhop kia ding a ngala uhi. Tualeh hattuom sung a khanglai liengvai leh chimohte asuidoh ua, lungkham leh lungkete ahamuon ua, khanglai lah ah kipahna leh kituana atun hi. Tami'n hattuom sung ah

damna leh hiselna, kituana leh kilemna, kipumkhatna leh mawsawna atun hi.

Mangpa'n hattuomte hing pui zel henlen, tualeh asisan a aleisa Hattuom te zong Ama ding a ginum, thutah, kukal leh hatsem, hing sem, hoizaw sem, hisel sem ding in hing guolzawl chiet taken.

Source: Rev S. Kaikhanmang, Dir. of Ministries NTBC, "Hattuom hisel". Edited by L Nang do pau, *Suangdai Gospel Platinum Jubilee* (1942-2017) SOUVENIR, Pages 106-108. Translated by Managing Editor.

KIPAH TAH A MANG NASEP

Thumapui: Khovel a mi enhuoi pante khu asepp bangbang ua lungkimte (job satisfaction) hi un ka ngaitua hi. Tuabang main mi hepihuoi pente khu anasep a kipah theiloute ahi uh gintat huoi hi. Tabang in ka ngaitua a, mihingte lungsim len (net) a khuh a, huikhawm thei hilei akhaikhawmtu ding a ka gintat khu "Nguina, lungkim louna, kipahlouna leh phunna" hiding in ka ngaitua hi. Setan in Mang nasep asuhbuoi theina ding a vanzat No 1 a zat khu, "Kipahna lamang sah" hi dingin ka gingta hi. Melmapa'n lungkim lou a ahing koizou ngeingei leh pen Mang nasepna ah a guollel china nahi dinga, masawn lou pai ding nahi chi kithei zing in. **Sam** gieltu in a ngai poimaw khu, "Nou gam zousisete aw, Mangpa pahtawi in nuomsatah in kikou un. Kipahkawm in Mangpa nna sem unlen, lasa kawm in amasang ah hing pei un" (Late 100: 1-2) chi ahi hi. Tuni'n Pasian gam nasepna ah kipah theilou in na um ei? Mang nasep kawm a kipah a, kikou khe theilou Setan kamhum in na um

Bangkim nusia a Jesu Khrist nuazui khu, leitung mihingte'n Pasian adia abawlthei thupipen uh ahi- A Linsey Glegg.

kha ei? Setan zawna dingin apoimaw masapen khu kipah ding ahimai hi. Setan in lungthahna leh nguoina, hasietnate zangin ang bei ding a, nang mimal a ahing zaw joulou leh zong na nupa kal uh, ta-le-nau tungtawn leh adang dang zangin na kipahna alamang sawm ding hi. Tuami ziehin, Mang nasepna ah bangzieh a kipah ding ihiei? Tualeh bangchi kipah thei ding ihi uoi? chi anuoi ah kikum khawm vai.

1. MANGPA AH KIPAH UN:

Innsung khosah hasapi toh bangchi kipah thei ding? Kipahna isui leh i position ladan dih joulou umkha thei ahi. Tuni'n innkuon ah kipah un hing chileng innkuon tampi ah kipahna aum sih ding hi. Na zi ah ahiei, na pasal ah ahiei, na tate ah ahiei ah kipah un chi ahisih a, "*Mangpa ah kipah ngitngit un*" (Phil. 4: 4) chi ahizaw hi. Mangpa ah ichi chitchietna khu apoimawna tah ahi. Pasion in mizat ding tampi aneilai a, nang leh kei pen tah ahing zat khapen, kipah huoilou ichi thei diei maw! **Guolnei Habakuk** in, "*Tuachiin zong Mangpa ah ka kipah dinga, ka hundamna Pasion ah ka nuom nalai ding hi*" (3: 18) achi bangin. Hasatna tawp hun ah zong Mangpa ah, i hutdamna Pasion ah ahi gige ding ahi. Habakuk kipahna thuguh khu theipi ga

tam ahiei, Olive uain tam leh tawm ahiei, Grap pallunte ahi himai louin, Mangpa hutdamna Pasion ah chi ahizaw hi.

Mangpa a kipahna zangloute adin kipahtah a Mang nasep ahamsa ding ahi. Mun khenkhat ah kei hunsung a ki leikhie, kei hunsung a kibawl khie chi leh, founder chairman chi bangte ah kipahna ding kisui kha zel hi. Historical point of view ah tuate poimaw ma, Mangpa a kipah tahtah natoh asemten amau min genkha lou hun ah zong kipahtah in asem veve uhi. Pasion nasemte dingin mihing lam ah "*spiritual pride*" nei bailam mama ahi. Thugen jou Pulpit apat ikumkhiet a, na thugen ngainuom huoi e, manpha mama e chia chibai ahing kibuh hun chiengin bawlthei kisahna aumbei mama hi. Pasion thu nagen a, la nasah hun ah zong mite

Mi thupi dihtah ichite khu, miteng mi thupi a kingaitua sah thei mi ahi- G.K. Chesterson.

ngaidia siemlou nahi kha lezong kingaise vawtsin, a nna nasepna khu Pasion phat kahi zaw hi chi kimanghil vawt sin. A tahtah in, "Christ-Center ministry" hilou a, "Self-Center ministry" a Mang nna sep kha ding ikiven zaw ding uh ahi. **Sam** gieltu in, "Akipahna khu Mangpa dan ah ahizaw" (1: 3) chi ahi. Unaute aw, kipahtah a Mang nasep theina ding khu "Mangpa ah" chi ahi gige ding ahi, tua ahilou ding leh Bible in kipahtah a Mang nasem ding chia ahing phut ding ahiei?

2. VAN A NA MIN UH GEL AHI ZIEHIN:

Setan in atup masat pen khu Kipahna lamang ding ichi ta uhi. Kipahlou leh hasekawm a umna in "nuomsatah in hing kikou khesah theilou hi" (Lute 100:1). Mangpa Jesu'n nuazui 7ote asawlkhiette "kipahtah in ahing kileh ua, Mangpa aw, na min a dawite thu kapieh uleh apot khie uh" chin report ahing bawl uhi. Hinanleh Mangpa Jesu khu amaute lamet ana bang sih a, Aman, "Tualeh Aman akung uah, Setan van a kizat kawlphe banga hing kesuh ka mu hi. Ngai un,

gulte leh mom aite totden theina leh na melma silbawltheina zousie tunga thuneina ka hing pie hi, bangmain ahing suliem vawtsih ding hi. Hinanleh dawite na thuthu ua a um ziehin kipah sih unlen, van a na min uh gel ahi ziehin kipah zaw un," achi hi (Luk 10: 18-20), chin aledawng hi. Kipah kawm a Mang nasep ding zieh khu dinmun zieh ahisih a, sil lamdang bawlte zieh leh dawih leh kaute hawlkhiethi zieh hilou. Ha sum tamzieh zong hilou (ha sum dem hilou) in, "Van a na min uh kigel ahi ziehin" achizaw hi. Alungdam huoi mama khat ahileh, "dawi leh kau holkhiet zieh ahiei, miracle zieh ahiei" tamte zieh hitaleh, akipah theilou ding mi aum ding hi (dawi-le-kau, sillamdang bawlkhe theiloute). Hinanleh tunglam a min kigellutte tuabang a athoplou mi um veve ahi. Hagaulam silpieh mutam leh tawm thu ahisih chi thei vai. "Eite khuoletui hina khu vangam ahi" (Phil. 3: 20) chin agen hi. Bangma in zong ang suhsietsah theilou tunglam a min gel a um thupi maizen

Laibu khu, lemgel siemna, lungsim sunggil hinna, damsung hinkhuo leh akhenlam a bei mailou dia sathau nuna leh manpha ahi- John Milton.

e maw! Tua ahiman in, kipah kawmin Mang nna isem ding uhi.

3. VAN A NA KIPAHMAN UH A THUPI NGAL A:

Mt. 5: 12 nan, "Kipah unlen, nasahtahin nuom un, van ah na nuomman ding uh athupi mama hi, tua mabangin na masang ua guolnei umte zong ana bawl genthei uhi." Tam thu kipah huoi khu kei gen ahi sih a, Upate, Pastorte'n zong agen hilou hi. Hinanleh Mangpa Jesu mama in agen ahizaw hi. Tunia gingtute ihamphatna mama uh khu tam ahi, khovel miten aneilou uh nang leh kei a dingin kipahman van ah, koikhol in aum hi. Sawltah Paul in haguulam ginna mit toh muchieng mama ahiman in, "Tuin dihtatna manglukhu kei a dingin koi in a umta" (2Tim. 4: 8) achi hi. Smarna hattuom a Bishop, **Polycarp** kichipa martar dan ka ngaitua khazel hi. Rom kumpi Domitian khu hing ki pasien bawl in, mipi bieh dingin ama lim hing tungkhie hi. Tua milim be utloute Sahang kul a khiet ding tualeh Namsau a satlup in a gawtzal uhi. Tualai

tahin Polycarp in "Mangmuna" (vision) lamdang tah muin atangkhap (pillow) khu meiin a kang maizen a, maban a hallup ahiding hilkhawlina in angai hi. Sepaiten Kum 86 a Upa Polycarp khu aman ua, deitelna apieh hi, tua khu "Denying faith or be killed" chi ahita hi. Hinanleh Polycarp in, "I have been serving him for 86 years; and He has done me nothing wrong, How can I blshpheme my King and my Savior" achi tahi. "Chance" petha zel nan uleh zong a ginna hasuo utlou in, Meikuong thupitah sungah pailut in aum a, midang mei a hallup toh akilamdanna khu "not like flesh burn; but baked breadsweet smell and frankincense" chiin gen uhi. Mei a mi kihal gim namlou in perfume namtui bangmai a namkhie chi ahita zen hi. "Hinna manglukhu ka hing pe ding hi" (Kil. 2: 10) chi ahi. Leitung a gimthuohnate leh hamsatna thuoh nanlei, van a kipahman san ding muchienten vang, kipahtah in Mang nna asemzel uhi.

Akhupsitna: Kipahtah a Mang

Minphatna khu lokhiet sawm ding ahi, zauhuoina pen lokhiet sawmlou ding ahi- Arthur Schopenhauer.

nna sep chi thu ikikuplai un, kipah kawm in Mang nasep ding dan zong igen khawm hi. **Alliene Vale** labawl a Chorus ah, "The joy of the Lord is my strength" chi lungsim ah ahing kilang zel hi. **Guolnei Nehemiah** in, "Mangpa, lungdam na khu na hatna uh ahi" (Neh. 8: 10) apat alasawn ahi. Setan in Job lam chiteng in abei in asol hi, a tapa-7 leh tanu-3te ban ah, anei alam zousie ni khat thu in alamang sah sieng chi ithei hi. Setan siltup pen khu, "Job kipahna lamang sah ding, *Pasian gensietsah ding*" chi

ahi. Hinanleh, **Job** in, "Pasian in apieh, *Pasian in anualakieta, Mangpa min phat in um hen*" (Job 1: 21) chin Pasian alephat zaw dai hi. Setan in Job zi zangin asol zawm zel a hinanleh asol zou tuon sih hi, "Pasian akipat silhoi imudia, *ahoilou zong imu sih diei mah*" (Job 2: 10) achi hi. Kipahtah a Mang nna nasep na ding ah, na lungkiet hun bang na nei ei mah? Suhngiem in na um ngaizel ei mah? Na min Van a kigel a um, van ah kipahman san din hing nga hi. Mangpa lungdamna khu tha hatna thuguh ahi chi thei gige zaw in.

Source: *Tuailai Aw*, Dorcas Veng, New Lamka News, Volume XXIV, Issue No 12, 4th August 2024. Translated by Managing Editor.

PASIAN ZAUNA

Pastor M. Thangboi Zou

Tangtel: "Tualeh tamte khu nava luoding uh gam a, nava galkai chieng ua, na zui ding ua, Mangpa na Pasian un, noute hildinga thu ahing pieh, thupiehte leh vaihawmna dante ahi. Nouma leh na tapate u'leh na tupate un Mangpa na Pasian uh zaudan na siem ua, na kung ua ka hing pieh athupiehte leh adan thute na dam sung ua na zuina ding u'leh na dam sung nite uh asawt na dingin" (Danp. 6: 1-2).

Chapter background: Thuhun "Pasian zauna ding" ahilou leh Lui hun a Pasian in amite zui "Pasian zatatna ding" in ana dinga thupieh ana nei chiengin, kipieh hi. Gingtute dingin tam

Shina in minphatna Kot ahong a, enna in beisah ngal hi- Francis Bacon.

thupieh in bang deina anei ei? chi ithei ding uh apoimaw mama hi. Pasion zauna tahtah in eite tungah ngeina loup i saltanna leh Setan zauna pat ahing hunkhe ding hi.

Thupi Hilchetna: Pasion zauna, kichi in, "Pasion leh mihingte kikal a kizop matna chi tuomtuom anei hi". Tuate ahileh:

i) "Pasion zauna" kichi in, adeina bulpi pen khu, "Pasion siengthouna theichetna, Pasion thumanna, a dih silte toh Pasion i it ding leh a hepinate theichetna" ahi hi.

Agetnuom pen khu, "Pasion theina leh Ama ahi banga theichetna" china ahi (Thup. 2: 5). Tamna Zauna (fearing) in, "Pasion khu a siengthou Pasion ahi chi theichetna akipat kibulphuna ahia, Pasion mizia/ umzia in khelna tungah thukhen ding hi" chi theichetna ahi hi.

ii) "Pasion zauna" ichi khu, "Pasion siengthouna a zauna toh kithuo zatatna piehna leh Pasion biehna ah Pasion ahina banga

Pasion patawina piehna" ahi hi. Bang ziehin? ichi leh, "Pasion khu avanglien (almighty), asiengthoupa, thuneipa leh vangletna toh kidimpa" china ahi (Phil. 2: 12 hilchien jualvai).

Phil. 2: 12 na sungah "Zau leh chitun" chi Sawltah Paul in ana gen hi. Tamna Pasion zauna in agetnuom pen ahileh, "Zatatna toh muonna" maimai chieng hunlou dingin, "Pasion vangletna, a siengthouna, athudihna, a phulana, Ama a khelna zauhuoina leh a khonung gu thuoh ding" chite ahuom hi (cf. Pawt. 3: 6, Late 119: 120, Luk 12: 4-5 simbe in). Tamin agetnuom ahileh, "Suhsiet thei Zauna hilou in, Pasion toh kinaina leh guolzawlana lam, gamtat siengthouna lam, hinkhuo leh hutkhetna (salvation) lam ah ahing tunpi in, hing kemthei, hing gumthei zauna ahizaw hi" (cf. Late 5: 7, 85: 9, Thup. 14: 27, 16: 6 simbe in).

Gentenan Sinai Muol a Pasion hing kilahna in, "Vanpi ging leh, tunphe tualeh Muol tungah meilum satah ahing kai a; pengkul angai a ngai ahing gingta a,

Ka kithuapi zousie kei sang a ahoizawna nei ahi chi ka thei a, amau apan ka zilkhe zel hi- **Emarson**.

tuachi'n gielphuol a mipite zousie achitun ta uhi" (Pawt. 19: 16). Tuachin Israel mipiten, Mosi kungah, "Nangman koute kungah thu hing gen mai in, Pasion hing gensah sin, ka zau uhi" achi uhi (Pawt. 20: 18-19, Danp. 5: 22-27 simbe in). **Sam** gieltu in, "Leitung pumpin Mangpa giing henlen, khovel a tengte zousie ama zau in chiza hen, aziehpén Pasion thupieh bangin aum hi" chin agen hi (Late 33: 8-9).

iii) "Pasion zauna" dihtah in, gingtute'n hutdamna amuna ding ua ginna leh muonna neisah hi. **Gentenan:** Israelten Tuipi San leigum toh ana kan laiun, anua uah Izypt mite tunga sietna tun amu un, "Mipite'n Mangpa giing uhi" (Pawt. 14: 31 hilchien vai).

Pawt. 14: 31 nan "Mipite'n Mangpa a giing uhi". Tami khu Israelten Tuipi san khu leigumgaw toh akan jou ua Pasion aphantna la ahi. Tamin agetnuom ahileh, "Pasion thupina, a gal hatna leh Ama amite tunga athudihna vanga Ama phatna leh atung a nuomthu genna la" ahi. Tamin a

etsah nuom ahileh, "Rapture zou chienga Pasion taten Setan leh Antichrist tunga galzawna atanna ding uh genkhawlna" ahi hi. **Sam** gieltu in, "Nou Mangpa zaute aw, Mangpa muong un, Ama khu ama muongte panpipa leh aphaw uh ahi" (Late 115: 11) achi hi.

Getdan tuom khat in "Pasion zauna" gending hilei, "Pasion mite'n Pasion azauna uh Pasion akipat lam-etna leh muonna musah in" (Late 85: 9), "Itna leh khiel ngaidamna, hepina zong mu uhi" china zong ahi hi (Luk 1: 50 cf. Late 103: 11, 130: 4 simbe in).

iv) "Pasion zauna" sunga khelna ibawl chiengin Pasion lungtha hi chi akilang a, aman thunei theina, vangletna neiin, aman thudihna toh dan palsante tungah tuhun leh ahing tung ding (present & future) te ah thununna (discipline) pieh hi (Late 76: 7-8 simbe in). Adam leh Evi, Eden Huon a khel lai un Pasion in Ama a kun ding in angen hi (Siem. 3: 8-10). Mosi in zong Israelte khelna Sun 40 leh Zan 40 sung angetsah laiin,

Hoina na neisa bangin gelphot lechin, na nei pai ngal ding hi - Shakespeare.

"Pasian zauna" zilkhie hi
(Danp. 9: 19).

Thuhun Tha laibu sungah
Pasian lungthahna leh
thukhenna azau huoidan
Hebru Laibu gieltun athei
ziehin, "Pasian hing khut a puo
khah khu sil zauhuoi tah ahi"
chin agen hi (Heb. 10: 31).

Bangzieh a Pasian izau ding e?

Pasian zauna bang ahiei chi
itheisiemna dingun, "Pasian
zau ding dan" chi thei masat
angai hi. Tuate ahileh:

- i) Pasian in vangletna
(almighty God) lienpi toh sil
zousie leh mihingte siempa
ahi man in "Pasian zau in"
(Late 33: 6-9, 96: 4-5, Jn. 1: 9
simbe in).
- ii) Pasian in a lamdang ama
thahatna khu asiemsa
mihing leh gantate tungah
akibang a umсах ahiman
in, Pasian zau in (Pawt. 20:
18-20, Thug.3: 14, Jn. 1: 11-6,
Mak 4: 39-41 simbe in).
- iii) Pasian siengthouna na
theiman in "Pasian zau in",
tamin agetnuom ahileh,
"Khelna mudanna leh khelna
toh kikhen khietna" ding ahi

(Kil. 15: 4).

- iv) Pasian melvah amukhate
"Pasian zaulou in aum sih
uhi" (Mt. 17: 1-8).
- v) Pasian akipat imu tanlou
a guolzawlana, adieh in
khelna ngaidam na (Late
130: 4), vangin Pasian itna
leh zauna ah hing puilut hi
(1Sam. 12: 24, Late 34: 9, 67:
7, Jer. 5: 24 simbe in).
- vi) Gintatlou theilou ahidan
Pasian in thudih a vaihawm
ding ahiman in, mihing a
pieng zousie tungah Pasian
zauna hing pieng hi (Danp.
17: 12-13, Isai 59: 18-19, Kal.
3: 5, Heb. 10: 26-31 simbe
in).

Pasian bangchi zau ding e?:

Pasian zauna ichipen,
"Laisiengthou thu zui chiengtan
hilou in, initung hinkhuo a
zatding tampi toh akizawm hi".
Tuate ahileh:

- i) Pasian zau tahtah i hileh, "i
hinkhuo ah Pasian thupiehte
zuiin khelna inuol ding" ahi
hi. **Sam** gieltu'n, "Pasian
zauna in a thupiehte lungkim
tah a zuina" (Late 112:1) leh "a
thuhilte zuina" achi hi (Late

*Mi'n I lunglutna ang lunglutpi uleh, amau lunglutna zong I lunglutpi pai ngal
hi- Pulus Syrus.*

- 119: 63). Kumpi Solomon in zong, "Mangpa giinna ziehin gitlouna ataisan" achi hi (Thup. 16: 6), tualeh Pasion zauna khu "Gitlou huotna, kiletsahna, kisahtheina leh gamtat hoilou leh zuou genna" kamte ken ka huo hi (Thup. 8: 13) achi hi.
- ii) Pasion zauna ichipen, "Khelna mudana leh Pasion thuchiem siengthoute" (Danp. 4: 10, 6: 1-2, 6-9) "a kibulphuna leh hinpina" achi hi. Laisiengthou in, "Mangpa gin khu pilna kipatna ahi" chin agen mun mama hi (Late 111: 10, Thup. 9: 10 cf. Job 28: 28, Thup. 1: 7 simbe in). I taten pilna anei theina ding ua Pasion zaudan ihil ding uh ahi (Thup. 1: 1-6).
- iii) Pasion zauna in, "Pasion thutah, thudih a ki suhsienghouna" ahi (Jn. 17: 17), khelna mudana leh gitlouna toh hing kipelsah thei hi (Thup. 3: 7, 8: 13, 16: 6 simbe in). Ham kamsuo kiven siemdan zong ahing pieh hi (Thup. 10: 19, Thug. 5: 2, 6-7), lungsim a gitlou ngaituona
- akipan hing dal (vengbit) hi. Pasion zauna in, "a namtui, a siengthou leh hutkhiet theina hing musah hi" (Late 19: 9).
- iv) Pasion zauna in, "Lungsim, hagau leh tahsa pumpi toh Pasion hing besah hi. Pasiante Pasion, Ama patawi ding, Ama min thangsah ding" (Late 22: 23) ahi hi. Pasion be miten "Pasion azau uhi" chin Kumpi David in agen hi (Late 22: 25).
- v) Pasion in Ama zaute kungah patawina peding achiem hi. "Kingaangiemna leh Pasion giinna/zatatna in hauna, minthanna leh damsawtna" atun hi (Thup. 22: 4). "Shina thang toh kipel theina ahi" (Thup. 14: 26-27), "Mangpa gingte atasam ngai sih uhi" (Late 34: 9, 111: 5), tualeh "Damsawt uhi" (Thup. 10: 27), "Pasion zau mite adin sil zousie anuom hi" (Thug. 8: 12-13).
- vi) Pasion zauna vangin, "Aman a mite kungah Kam a genkhiet theilou lungmuonna leh Hagaulam guolzawlina leh Hagau a henemna kitang hi". Thuhun Tha laibu

Kiten masang a kipatawi leh kiphat ahoi a, kitenzoh chieng in alou theilou a kipatawi leh kiphat ding ahi- **Dorothy Dex.**

sungah, "Pasian zauna leh Hagau Siengthou hamuonna akizawm khawm hi" (Nasp. 9: 31). Pasian zauna neilouten, "Pasian umpina, a henemna leh akepbinate theilou uhi" (Danp. 1: 26 hilchien vai).

Danp. 1: 26 nan "Mangpa na Pasian uh thupieh kalin na helta uhi". Tamna Israel miten Pasian thupieh azuilou ziehun, "Gamchiem lutlou uhi" (Danp. 1: 2-3, Num. 14: 33-34 simbe in). Pasian deina leh Hagau Siengthou deina sungah hin louna in Pasian toh hing kigam lasah in, eite dia ang gelsah thute zong kitaanloh thei hi (Rom 8: 12-15, Gal. 5: 16 simbe in). Pasian umpina, ahing hepina leh ahing kepbinate imu theina dingin eite'n Pasian zauna nichin a ihinpi/inei ding uh ahi hi.

Pasian zauna in, "Pasian thupiehte zuiin, hagama ah thulut in, ahinkhuo ah lungmuonna nei uh, Hagau Siengthou sathau nu nazong tang uhi". Pasian zauten, "shina apat hunkhe ding chi theichien uhi" (Late 33: 18-19).

Akhupsitna: Gingu khat hi a, Pasian zauna ineilou chiengin,

"idam sungin lawchinna tahtah, guolzawl na bukim, tualeh Pasian gam nasepna ah lunglutna tahtah leh kipiehna tahtah neilou, Pasian nasepna lam ah thasietna, basapna lienpi" inei loh thei hi. Thamlou in, "Pasian nuoh izuina ah, phun utna, thasietna leh lungkietna ten ahing bawm ding uhi". Tamte khu bangzieh e? ichileh, "Pasian zauna neilou a Pasian nuozuina ga ahi hi".

Tua ahileh, Unaute aw, "Pasian zauna, amanphatdan, aluldan na theisem tai mah?". Gingu khat in Pasian zauna ahing nei chiengin, "Pasian nua azuina ah, lunglutna, thanopna anei ding a, gensietna ten ahinkhuo Pasian gam nasepna athanopna akham jou sih ding hi". Tua ahileh, Nang Pasian zauna hinkhuo na nei ei? kivel chien in. Pasian zauna neilou pia Pasian nasem, Pasian nuazui na hi khaleh lel mama ding nahi, tuabang dinga Pasian in A Tapa tangkhat neisun Jesu Khrist Korss a shi dia hing sawl lou in, ahatloute, Pasian zauna neilouten aneitheina ding ua ahing sawl ahiman in, "Pasian zauna hinkhuo nei chiet tading in Pasian in athu hing guolzawl chiet taken", Amen. ■■

DAIJANG REVIVAL KHAWMPI

Compiled by: T. Tualgouthang, Chief of Daijang & Upa T. Lamkothawng

L 961 Kum in Daijang khuo ah Pu Heldong, Dumsau village in Revival a na bawl a Pu Pumkhoginte inn ah kipansa in nu Kimzanieng toh na kithua uhi. Tuahunlai in upa namdet na umsun khu Upa Chinzakhai leh Upa Khupzavelte ahi uhi. Tuazou in Sielmat a um Pu Lalngaisang in 1962 in Revival Daijang ah na bawl kia hi.

REVIVAL KHAWMPI: Tuazou in Kum 1967 in Pu Neihau Vaiphei in Daijang khuo ah Revival na bawl kia hi. August-September ha sung in Daijang khuo ah Hagau Limna khawmpi thupitah Pasion in a mite zang in a tungsah hi. Tuanah Speaker in unaupa Pu Neihau Vaiphei khu Pasion in a zang hi. Pasion hagau pawlna leh vehna Daijang ah tung a tuanah limna leh kipahna thupitah in a tang ua Hagau puihuai dandan leh Hagau silpieh a tan dandan un lim leh kipahtah in hun a na zang uhi.

HAGAU SIENGTHOUSILPIEH: 1 Korinth 12:1-11. Sawltah Paul in Hagau siengthou silpieh toh kisai thudih tam bang in a na gen hi. HAGAU Siengthou

pui a umtapou in Jesu tung ah sapsietna um hen a chithei sih hi. Hagau siengthou puihou in Jesu khu Mangpa ahi a chidieh sih hi. Hagau siengthou silpieh nam tuomtuom a um a, a pepa khu khat ahi. Nasepna lampi tuomtuom a um a Mangpa khat nasem chiet ahi uhi. Tuachieng in nasep theina tuomtuom a um a hinanleh michin ama septhei bang chiet sem ding a pepa khu Pasion ahi. Mi zousie phattuomna ding in michin Hagau in a umpi dan a kilangsah chiet a, Hagau in pilna chinteng toh thu khentheina a pie a, tua Hagau mama in mi dang kung khat ah theina chinteng toh thugen theina a pie hi Tua Hagau mama in khat kung ah ginna a pie a, khat kung ah

Laibu zousie amau hina chiet a hoichiet thamlou in, sisan panglou hinna thakhel a, silbawlthei tah ahi- R.L. Stevenson.

damlou china damsah theina a pie hi. Hagau khat kung ah sil lamdang bawltheina a pie a, a dang khat kung ah Pasian thugen theina a pie a, mi dang khat kung ah Hagau silpiehte nei leh neiloute kilamdangna a genchiensah thei a, khat kung ah ham lamdang a ham theina a pie a, mi dang kung khat ah tua ham lamdang hilchien theina a pie hi. Hinanleh zong tam zousie pepa khu tua Hagau mama ahia, a deidan bangzel in michin tung ah silpieh a pie hi. Tuachibangma in kum 1967 in unau Daijang Hattuum ah Pasian Hagau in michin tung ah Hagau siengthou silpieh chi tuomtuom pie in Hagau pawlna zal in Halna thupitah a na tungngei hi. Tuachin unaupa Neihau Vaiphei leh a teamte zang in Pasian in a mite lah ah thupitah in Hagau sil bawltheina pie in tungsah hi. (1) Pa Neihau Vaiphei Speaker (2) Pa Kamkholal (3) Pa Pumkhogin (4) Pa Thonggou (5) Pa Lamkhopau (6) Pa Khamkhothang (7) Pa Thangtinhau (8) Pa Ginkhokam (9) Pa Goukhopau

(10) Pa Khupchinthang (11) Pa Gimmeng.

NUMEI LAM AH

(1) Nu Kimzanieng (2) Nu Lunkhoman (3) Nu Niengkhochiin (4) Nu Mankhonieng (5) Nu Paunu (6) Nu Dimkhozam (7) Nu Kaitinhoi (8) Nu Chongpek (9) Nu.Vungnuom (10) Nu. Dimzanuom (11) Nu Manzachiin (12) Nu Zenzanieng (13) Nu Chingzanieng (14) Nu Hatzanieng (15) Nu Niengkhochiin (16) Nu Chiinkhongai (17) Nu Niengkhochiin

Tam a tung a i tahlat teng khu Pasian in nasepna tuom chiet a piehte ahi uhi Awle, Pa Neihau Vaiphei khu Pasian thu Hagau umdan gentu (main speaker) in a pang hi. Pasian hagau in a puidan bangzel in thu gen a ama tungtawn in Pasian in hagau mangthai tampi Hundamna huong ah a puilut hi. Pa Lamkhopau khu hagau tang theiloute kung ah Hagau umdan hilchientu in Pasian in a zang hi.

L I M S U O N G: Pa Kamkholal

khu Pasion hagau in pui in Limsuong mutu in Pasion in a zang hi. A Limsuong mu khu a umna mun khu Daijang leh Sumtuhphai kikaal a muoltung a chiengkot umna mun khu ahi. Suong umna lah ahia tua mun ah tuinah kang ngeilou a um hi, (a pul hi). Limsuong umna khu lei nuai feet thum a thuh a um ahi. Limsuong letdan khu a dunglam feet 6 sang, a vailam feet 3 a lien ahi. Limsuong tung a kigiell khu KROSS leh AHSI 12 khu hagau a pat a theisahna a mu ahi. Limsuong toute khu hagau theisahna bang in Pa Kamkholal leh Pa Thongpu in a tou uhi. Hagau theisah leh hil bang in a tou ua a kimkhat sang a thuzaw a tolai un Pu Kamkholal kung ah Hagau in theisahna a nei a na lawmpan a gintatlou zieh in Limsuong khu a leengmangta hi, a chiphet in Pu Kamkholal khu pona sengseng in a tona khuhsung uah kisimziel in nau kaa in kapta hi. Tualaitah in Pu Thongpu in a lungsim in feet thum chingta ding hive aw, chia a ngaituo zieh ahi. Tualeh pasal dangte in zong hagau

siengthou silpieh nasep theina khat chiet a kinei uhi. Revival a bawl sung uh theiloukal in ha ni a na beiman hi. (August - Sept. 1967).

HAGAU OPERATION: Hagau Operation a bawl ua suhdam theina tangte khu:

- (1) Nu Luankhoman (2) Nu Niengkhochiin (3) Nu Manpheng (4) Nu Vungnuom (5) Nu Kimzanieng (6) Pu Kamkholal (7) Pu Khamkhozam

Natna nei damloute kung ah operation a bawlkuon chieng un hagau in mipi lah ah Hagau damdawi ang the a tuanah damdawi gimnam in bieh inn sung pumpi a zelsuo a damdawi gim a nam vengvung mai hi. Damloute bench tung ah a lumsah ua Doctorte operation bawl bang in a tahsa tung natna zawn ah a khuttal un tem a at bang in a zih ua thumna toh damloute a khule ua a thumsah ua tampi in damna a ngah uhi.

HAGAU TANDAN: Khenkhatte Hagau tang in mite kung ah Hagau hawm uhi. Mi lutung ah khut ngam in thumsah ua, ham theilou a ham in a kipei

Itna, damtheina, kipahnate sum a leithei ahisih, apeisa kum ate zong leithei zong ahi tuon sih hi- Jay Chase.

vengvung uhi. Khenkhatte hagau tang in innkam dawn ah a kikhai ua, pulpit tung ah a tuong ua a kiban lele uhi. A khente baangdawn ah kal in innku ah kikhai in a zap lele uhi. Bieh inn mai ah pa Khupchinthang leh a lawite in mi Chibai bu ua na khut leh Pasion koi a naizaw ei,? a chi ua khut chite lutsahlou in Pasion chite chauh a lutsah uhi. Nu Lamkhoman khu bieh inn sung ah tep leh muom, dummuom, tuibuh leh dumziel pote mantu in a pang a hagau in pilna pie in tep leh muom pote a mandoh paipai uhi. Mi a en ua, a puo leh puolou a theingal uhi. Tualeh Tv Kappi lawi in a tep leh muom puote uh naupang Tualgouthang a posah ua nanleh a theingal uhi. Baang hawm a kiphuolte zong a theingal ua, tep leh muom a dap puo a umleh um nalai, um nalai chi in a long lele ua a mudoh thouthou uhi. Nu Mankhonieng khu hagau damdawi hawmtu in a pang hi. Hagau in pawl in hagau tanglou tampi in hagau pawlna a tang uhi. Nu Niengkhochiin

khu pienthana hagau hawm in a pang a Pasion hagau in umpi in mi tamtah in pienthahna nga uhi. Nu Kimzanieng khu pienthana hagau hawm

in a pang a vangam a naita, kisia un, na khelnate uh tawpsan un, Pasion kung ah Thupha tawi un, chin a tangkoupi a, a lutung uah khutngam a thumsah a mi tampi in khelna kisia a Thupha tawi in hagau a tang uhi. Numei dangte in zong hagau silpieh a kinei chiet uhi.

NU KIMZANIENG HAGAU HAM.

“Haleluija, Haleluija,

Huri ban fai huri

Haleluija, Haleluija,

Huri ban fai huri”

A tung a min kigielte a tamzaw in ang muolliemsanta uhi. A min kigielkhalou zong a um ding a, hagau silpieh nasep dan uh gelkhahlou zong um ding hi. A tangthu kinua sut ahi zieh in a kimlou leh dihluo tampi a um ding hi. I gam a Pasion hagau nasepna thupitah a na tunna Daijang khuo i ngaisang ua i kipahpi uhi. Tuahunlai a Pasion

Nidanglai in hattuom in khovel athunun a, tulai in khovel in hattuom athunun tahi- Martin Luther.

hagau pawlna a na tangkhate a shitan un linglou in a um ua a hagau tang un zong a hasuo sih hi. Tu in zong a dam nalai mi a um ua tuate zong lingloukei in a hinpi nalai uhi. Daijang khuo a Pasion hagau nasepna in i gamzeltou in Saipum khuo ah, Sehken khuo ah, Buhsau khuo ah, a banban in hing zeltou in I gam ah Pasion Thupha mi tampi in i hinpi uhi. Zeltou in Saipum khuo ah, Sehken khuo ah, Buhsau khuo ah, a banban in hing zeltou in I gam ah Pasion Thupha mi tampi in a hinpi uhi. Daijang khuo khu ei Zoute a ding a kho poimaw pen ahi. Daijang khuo khu Sakhuo lam ah I kibulphuna khuo masa pen ahia kho poimaw mama ahi. Kum 1953 in (JCA) Jou Christian Association (MGP) na kiphukhietna mun poimaw mama ahi. Kum 1957 in Manipur Young Christian Association (MYCA) kiphukhietna khuo ahi.

Kum 1967 in Hagau Limsuong kitona mun poimawtah ahia tualeh JCA Silver Jubilee kiphuna mun zong ahi. Kum 1972 in zong Zomi NATIONAL Congress kiphukhietna mun poimaw ahi. Kum 1975 in Zou International Bible Translation Committee na kiphutkhie in kum 1983 in Zou Holy Bible masapen hon khiet Ahi, Kum 2019-2004 sung in Zou ham CD-Album Daijang khuo ah kibawl a, "Ka kipah hi Mangpa" chi honkhiet ahi. ZSP Drama Pavai Club kiphukhietna mun zong ahi ngei hi.

A thu kinuasut ahi zieh in a kimlou, a dihlou tampi um ding ahia a dihlou a kimlou umte hing theisah ding in ka hing ngen uhi.

DAIJANG khuo leh tuite Pasion in umpi zingta hen.

Collected from: (1) Upa Tongneng
(2) Upa Kamgou ■■

PATRON MEMBER THA KIBELAP ZEL:

- i) Pa T. Ginchinthang of Bengaluru
- ii) ELC, Bengaluru

Membertha te Tangkou Editorial Board ten lungdamthu ka hing gen uhi.

*Bible khu Pasion hing laithot (letter) ahia, thumna khu eite dawnna ahi-
Mathew Henry.*

UELCI ROUND TABLE CONFERENCE REPORT NA

- By Rt. Rev Khup Do Khen, Bishop MELC

October ha Nisim 14 apat 17 tan United Evangelical Lutheran Churches in India (UELCI) a Round Table Conference 2024 va hoh ding leh Evangelical Lutheran Church Bengluru te'n a kum 6 chinna uh lopna nisim 13 October 2024 ah anei som uh va mang dinga, chiel a ka um dungzui in



kava kuan hi. Tami toh kizui in Nisim 15-16 Oct.2024 sung National Missionary Society of India (NMSI) te'n, Executive Committee leh Annual General Meeting (AGM), Chennai khopi a, kumtenga abawl zel na ua vapang dingin Rev. Kamminthang, Director of Mission MELC toh nisim 9 October 2024 Nilaini zingmawng Aahmasa khuan in, Lamka nuasia in Aizawl lam mannaw in ka kipan khie ta uhi. Tami khuolzina hunlemtanga lakawm in, Evangelical Lutheran Church, Bengaluru te kiphu khiet kum 6 chinna lopna ka va uap uhi. Khuna patsa in Taxi toh Chennai tan zan khovah phiel in ka tai tung uhi. Ka tunna ding mun uh UELCI Guest House ka tung ta uhi . Khumi mun a gieh dingin ang nuosie ta hi. Tuachiin, nisim 14th October 2024 ni zingmawng nai 6 in, Sri Lanka lam zuanding UELCI Campus a gieh India gamsung a Bishop mibang zat aheipi khat Mr. Samuel Logan saina nuai ah, anop mama bus neuta khat a tuong khawm chiet in, Chennai International Airport ka zuan ta uhi. Chennai vanleng phuol ah India sum pen USA dollar a hen ngai achi ziehun, keijong ka sum Rs. 30000.00 khu kava heng a US Dollar 29 chauh apha hi. Tuachiin, zingmawng nai 9:30 ahing hi in, vanleng sungah ka lut ua, India Tuisiogiet (Indian Ocean) tunga

Itna khu kidouna toh kibang ahi, abulpat anuom a, atawp tun ahamsa hi- H.L. Mencken.

leng in, Sri Lanka a, Colombo Khopi Vanleng phuol ah, naikal 2:30 val kalen nua un ka tungta uhi. WELCOME TO SRI LANKA chi signboard kigel ka mutah in, ka neulai a ka khua ua Ojapu in, Rama, Sita, Laxman, Hanuman (Zawngleng) chia, ang tangthu gente ka lungsim ah ahing kilangh dun dun mai hi. Sri Lanka gam pen Tuilaisia (Island) gam 64 vel umna ahi hi. Gam nuam leh kilawmtah ahi a, India Tuisuogiet in a umkim velsuoh gam khat ahi. A sungah teng mite khu Sinhales, Tamil leh nam tuomtuom ateng khawm uhi.

Colombo Khopi Vanlengphuol apat ka hing pot khieh uleh, koute hing pua ding Mawtaw sau Mini Bus melhoitah khat ahing kidaw pai a, ka tuong chiet ta uhi. Sausim kuam katai nua un, ka tuna ding mun uh BEST WESTERN ELYON COLOMBO, SRI LANKA kichi FIVE STAR HOTEL ka tungta uhi. Innsawng sawng 9 a sang ahi a, a sawng ngana Room No 502 na ka tang kha a nitalam nai 2:30 tuom lah ding vel in ka tungta hi. Nop vot. Tuachiin, tunkim nitah apat Conference akipan tou pai ahita hi. Khumi Conferece adingin mithah (new comer) ka va suoh a, kei leh kei kipulahna ka bawl bawl mai hi. Tuachiin, kikhopna, thugenna, kithuhilna, kinei zom tou den hi. Ani khat ni in, igamsung buaina thu leh ihattuom dinmun ka computer sunga Mr. Pu Pu Zo leh Suanlyan Tungnung te'n, Power Point

Presentation bawltheipai dinga ang koisah pen uh bawlina dinga hun ka nget leh ahing pieh uh hia, hinanleh UELCI in partner thah 2 aneibe te uh ahing tun uh toh kitona hung apieh uleh keipen huntang zoulou ka suoh ta hi. Azing khua hing vah kia a, aki guongsa program dungzui in hunte hing kitawl tou tou in, kei zong kinem tah a kana ngah khin khien hi. Tuachiin Tea Break zou in, Program moderator Mr Samuel Logan hing ding tou in, tu in The Right Reverend Khen, Bishop of Manipur agennop leh abwlnopte bawl dingin hun sauhetlou ipe ding uh ahing chita hi. Kei zong dingtou pai in Stage lam ka zuan a, tuachiin computerte LCD projector ah fit meng meng in, Introduction bawlzou in, ka computer a umbang Photo leh video te lahna kang nei pan ta hi. Mipite asip

Mite hing thuhilna na pomthei leh, na theine kibelp china ahi- Goethe.

ding deng ua, screen a en jel ua, kei ahing en jel ua, khenkhat a emotional (puohnat lim le mel pua) deu a ka mu zong aum hi. Computer apatsa lim leh videote laahna kanei zoua, thutamlou genbelap (comment) ka sawm leh hun akiching non tasih hi. Ka kigintat khellam peh ah Pasion umpina tang hiin ka kithei a, ka lung dam mama hi. Moderator of the Program Mr. Samuel Logan in Manipur Bishop tunga lungdam thu ahing gen zou in Program umsa pen patsuoh ngal ahita hi.

Ka program zahdan upen Bieh kikhopna leh Seminar ahitang pi mai hi. His Grace Dr. Geevarghese Mar Yulos, President, NCCI Pasion thu agen a, athugenna ah, Pasion thu pen, silbawlthei, namkhat gamkhat piengsah thei, aumlou zong umsahthei, thu nasepna ahidan atangkoupi hi. Rev. Dr. Packiam Samuel, Director HMI in Hun kihen dan dungzui a, gam tuomtuom a Hattuumte umdan agen hi. Rev. Dr. Asir Ebenezer in Sum leh paai kepdan leh thamdan ding leh Laisiangthou toh kituoh sah ding chi thu agen hi. Rev. Dr. Rospita

Siahaan, Asia Secretary LWF in Leitung gambup Tapidawte hinkhuo zahding dan agen hi. Hotel sung ah Hall lianpi leh vanzah chikim a um a, eilam banga Biehinn kai ding chia Bieh Inn kizuan hinon lou ahi.

Nisim 18 ni in Sight Seeing achi ua, eiham in gen lei, Munop tuomtuom en a koi vah china hiva. Bus melhoi mama khat ah ka tuong chiet uhi. Bus pen air-conditioned ahi ban ah sound system bukim tah a kivaw sa ahi. Announcement bawlina ding Microphone aum a, ka lah ua lasa siam ten lasahna anei uhi. Madu River achi uh India gam Tuisuogiet bameng khat ahi a, Motor Boat (guunkuong inzin nei) ah ka tuong ua, tui a kie kha aupleh, tuisunga, atum theilouna dih chia, Life Jacket ka sil chiet uleh ka melte uh bang ahing tuom pien zawzen in akilangh hi. Guunkuong dang tampi zong aum a, Guunkuong a tuong kawm a, nungah tangval lasa kawm a, hello... Hai..chia khut tung kawm a kinousiet atam mama hi. Hui neu khat khat ahing laan chiengin, Jesu leh anua zuite, Galilee tuiپی tunga

khopihui thuohdan ka lungsim ah ahing kilou moh hi. India gam Tuisuogiet tan guunkuong a ka tuong ua, tuisuogiet tuihualte sangpi pi in aki leptou vazung ua, azau huai thei mama hi. Laisiangthou a Jonah pumval Ngapi zong umlai ding bangin ka ngaisun hial hi. Kenga peina zong auma, Tuisuogiet piaunel lah a kholai vah pen gim um veve hi. Sumkuong liente aki khoina mun ka va en ua, Tv a imu utoh kibang veve hi. Tuazou in Colombo City sung ah ka lut uhi. Columbo Khuapi pen, Colombo 1, Colombo 2 chia kikhen in Colombo 9 tan aum hi. Mall lien mama atam in atam a, sil luite leh Paupu Pasion Lutang achituam tuam a design kibawl atam mama hi. Etnop teng ka etzou un, ka khuate ahing mialta a, ka Hotel uahkia ua, nitah ann ne in ka lum/ tawldam ta uhi. Azing khua hing vah in nisim 19 ahing hita a, ka kikhen nading uh hun leh ni ahing tung ta hi. Tuachiin, Columbo International Airport lam zuan in ka hing pei ta uhi. Ka trolley teng uh X-rayed leh Security checked akibawl zou in, ELCITHS Bishop, Rev.

Godwin Nag in coffee dawnvai, Sri Lankate sum tampi ka nei nalai hi ahing chi a, Coffee nou khat tuoh ka dawn uhleh Sri Lanka sum 1985 abei hi. Ka pien apatsa ka coffee dawnte lahah aman tam pen e kachi a kanui khawm uhi. Tuachiin, ka hing leng ta ua, Chennai International Airport ka hing tung ta uhi. Khum mun apatsa in Metro ah ka hing tuang ua, Nehru Park ah ka kum ua, Taxi 2 atuang in UELCI Office ka hing tung ta uhi. I hattuom naupang fel mama (i) P. Khenlunlal leh (ii) Johnson te tawh Hotel ah ann ka va nekhawm ua, kithuhilna sautah zong kanei uhi. Azing ni in Chennai apat Calcutta ah, Calcutta apat Lengpui Airport ah ka hing tung ta hi. Ka gimseng ziehin Lengpui Airport a Hotel Koinonia ah nuam deu in ka hing gieh a, azingni in lamka ka hing tung ta hi. Tami nipen Nisim 13/10/2024 ahing hita hi. Hattuom mipite thumpina zieh a, milah a maizumna leh mualphouna vatuoh lou ka hi. Pasion in MELC guolzawl ta hen.

*Itna kichi lungtang toh ngaisangna hi a, ngaisangna kichi lungsim toh itna ahi-
T. Gautier.*

HA CHIN A KUM THUPI HILCHETNA:

Prepared by: Rev. (Dr.) Hangminthang Former Bishop, MELC

OCTOBER:

Pasian toh zawhkhawmte Pasian in taisan ngailou

- i) Sadrak, Mesak leh Abednego (Dan. 3:19-23).
 - a) Meiphuolpi sung ah zong Pasian in umpi
 - b) Meiphuolpi apat in Pasian in hundoh
 - c) Amaute zal in Babulon mite lah ah Pasian tawisang in um hi.
- ii) Daniel (Dan. 6:16-22).
 - a) Humpi gilkielte in zong Daniel bangma lawtheilou uh
 - b) Daniel zal in Babulon gamsung ah Pasian min tawisang in um hi.
 - c) Daniel Pasian – “Pasian Hing” be chiet diing in leengpa’n mipite thupie hi.

HILCHETNA TOMKIM:

Pasian Hing belou – milim pasien biehma, Babulon gamsungah, Juda tangval – Sadrak, Mesak, Abednego leh Daniel in Pasian Hing khu a tu-chinten ua, ginglou mite lah a um hinan ulezong a hinkhuo uah Pasian toh a zawhkhawm zing uhi. Pasian akilep mangsanlou zieh un Pasian in zong amaute a beidot tawpkhoh hun in a panpi a, Ama min thupi puongzahtu diing in amaute a zangh hi.

NOVEMBER:

Pasian khu: Pasian toh zawhkhawm

- i) Kihumbitna leh muonna ahi (Sam 46:1-3).
- ii) Kibuhna leh kulpi ahi (Sam 91:1-2).

HILCHETNA TOMKIM:

Pasian “kihumbitna” chi umzie khu chimaw mangbat laia hing panpitu nai zing ahizieh ahi. Pasian a bitna neite leh muonna neite khu a detdou dan tam bang in a gen hi: Leitung pumpi hing kiheng

Nang loungal koiman na lawchinna ding ahing dal thei sih hi- S.N. Bremer.

lamdang in, muol leh taangte khu tuipi sungh tumsuh diingin kiliing nanleh izau sih diing uhi. A tuite mau vengvung in, phul vapuol nanleh; tuipi kihotte'n taangte kiliing sah nanleh, izau sih diing uhi, chin Pasion in kihumbitna leh muonna aneite dinmun agen hi. Pasion khu kibuhna leh kulpi a neite khu – Bangkim bawltheipa liim nuoi a um ahi uhi. Sam 91 pupi sim suoh in. ■■

MISSION COLUMN

DANGAPARA MISSION FIELD REPORT

Tv. Haugoulal, Missionary

Mission Field Report pe thei ding a damna hing pieh i bieh Pasion min ka phat masa hi. Tualeh hattuom misiengthoute na bawn un Jesu Khrist min in chibai.



Pasion hepina jal in Missionary nasem dingin Date 13th April 2023 kum in ka kuon khie a, tuachin Kangarai Mission Field, Tripura ah Mission Sangsyete kithuopi in ka um a, tuazou in ka umna ding mun Dangapara ka zuon hi.

Dangapara khuo a inn 140 aum hi. a khuo mite ahileh Reang mi nam ahi uhi. Sum leh pai suina lam ahileh Kumpi nasem atamlou zieh un nitha kiloh, Sinbgtang Meh zuoh, Zu zuoh chite ahi. tualeh sakhuo lam amajority khu Hindu, aban ah ei hattuom TELC leh Seven Day tamlou aum uhi.

Kangrai hattuomte leh gingtu masa Uncle Lilendrate innkuon in ka umna ding Quarter ang nabawl sah ua, tuana kei zong ka tangin kang khosa pan tahi. Neh-le-dawn pen Uncle Lilendra te

.....
Sum-le-pai bou kepsiem ding hilou in, I hun zat zong kepsiem leh zatsiem ding ahi- Charles Sheed.

innkuon toh ka kitang ua, zan chiengin ka quarter ah ka gieh zel hi. ama uh innkuon in Mizo ham athei zieh unMizo ham in ka ki houlim khawm zel uhi. Tuachin amau innkuon toh fellowship ka nei khawm ua, Pasion ka phat khawm zel uhi.

Ka umna kho mite atamzaw Hindu ahi ziehun, ama uh kungah Khantanhohi tangkou ding dan ka ngaitua chiengin a hamsa mama hi. ham ki thei tualou ka hi zieh un. Ken zong kho miten a poimaw uh bang ahiei chia ka ngaitua laiin, a khuo uah English School umlou, Bengali School (ham zang) hoilou khat um ahi chi kang thei khie a, kei zong lekha English ham in "Home Tuition" kang la pan tahi. Tuachia naupangte toh hun kang zang khawm pan ta a, Sunday chiengin zong Pasion thute ka hil zel hi. Naupangte ka focus nasa zieh ahileh, "Naupangte pen alungsim uh siengthou in, kipawlpi thei pai uhi. Laitheilou a ang pichin ding uh ka deilou na zieh" ahi hi.

Tangvalte toh Bollung ka ki-apmai khawm zel ua, kho dang ah zong Sport adin ka kuon khawm zel uhi. Tuabang a kho mite toh hun kang zatkhawm zel a, amau inn bang ah ann neh ding in ang chiel zel ua, Mishi ahilou leh adamlou aum chiengin zong uncle Lilendra toh ka veh zel uhi.

Kangrai hattumte leh Colonypara hattumte toh zong fellowship ka nei khawm zel uhi. Dangapara a Uncle Lilendrate inn ah ka kikhawm zel ua, piching leh naupangte zong angtel thei zel uhi. Tuachin Pasion in nna hing sem in gingu mi-17 ka pha uhi. Kikhawp na ding Biehinn nei nailou kahi zieh un, Pasion kungah ka ngen zel ua, Pasion in ka thumna uh hing dawngin "National Missionary Society of India" (NMSI) te panpi najal in Biehinn akibawl pan a, 14th December, 2023 in Rt. Rev Dr S.K. Manlun, Bishop in Biehinn honna ang nei hi.

Theilou kalin Khristmas zong ang tungpai a, hattumte toh khomite toh nop tahin ka mang ua, Kum Tha zong aop thei bang pen in ka zang kia uhi. Ka quarter zong um theine ding ahi nonlou ziehin MELC Mission Boardte panla nazal in aki bawl a, 7th April 2024 in Shillong Pastor Hausawmlal in a honna ang nei a, tualeh Shillong

Mi gentheite kunga tung masalou in bangchin ka Pasion kung ka pha masa thei diei?- Mother Teresa.

hattuom ten quarter a van zat ding ang leisah uhi. Tuате ahileh (i) Steel Almara (ii) Kuong koina (iii) Ceiling Fan (iv) Steal Filter (v) Electric Van (vi) Study Table (vii) Bucket leh (viii) Anntang Bag Khat.

Shillong hattuumte a kipat tambang guolzawlна kamu laiin gingtu zong mi-6 in ka pung kia uhi. Tulaitah in Pasion guolzawlна toh gingtu mi agawm in-24 ka pha theita uhi. Pasion min phatin um taken.

Kum 2023 lai a Home Tuition ka bawl pen 2024 akipat in School bangan Class Nursery to UKG tan chieng ka bawl a, sangnaupang mi-37 ka nei hi. tualeh Kangrai a Lutheran Public School Calender zuiin School ka kai zing uhi.

NGETNA: Dangapara Mission Field pen atha ahi ziehin Biehinn leh Mission Field a zat ding a poimaw ka nei nalaite uh ahileh (i) Solar Battery + Plat (ii) Biehinn Pardha (iii) Naupangte lai zilna ding Scool (iv) Sound System tam teng khu, koi tobang Manggam nasep utte a dingin Kot lienpi ki hong gige ahi chi thei chiet vai.

Mission Report kang piethei hitan chieng ahi, Mangpa'n simtu zousie hing guolzawl chiet taken. ■■

ELWA COLUMN

Thupi: “Nu/ Numei in Bible thei apoimawdan”

-By Nh. Nuamboi, *Women Promotor*

1. Sol a i um lou na ding un: Numei a dieh in Nute pen Pasion thu duhte, thugen ngai ding a mun teng a delpeite ihi ua, nanleh Bible i thei tawm zia un, thugen dih leh dihluo i khen siem sih ua, i solnop thei mama uhi. Sawltah Paul in Timothy kungah lekha ahah a, zilsahna dihluo thezah tuten a bum Numei khu a utna lam uah a puimang ua, zil ngal a thutah theiphalou ahi uh (2 Timothy 3:5-7) ah a chi a. Tamin naupanglai a kipat Christian hingal a Sunday school ah Pasion thu zil a, biehinn a kikhom nute lah ah thutah theisiem lou bum thei um nalai chi chiengsah hi.

Juda Iskariot in dangka 33 nemang ngamlou, tulai mite'n Pasion sum theigegu in nemang ngam tamai uhi- Ruth Messenger.

Pasian thu gen a va, tulai in atam mama a, agensiem zieh ua zui di mitampi um hi. Paul leh Silas khantanhoi gen a a zin chieng un, Beria khuo a Judate kikhop na ah thu agen ua, Beria khuo miten a thugen uh dih leh dihloou thei na ding in nichin in Pasian lekha bu Laisiangthou ah sui in a enchien zel uhi (Nasepte 17:11). Tua chia adih ahi chi atheichiente uh chauh aging ta uhi, Beria khuo mite etton tah kasa hi. Bible ah ithu ngaikhietie adihnai chi enchienloupi a, mi thugen tengmoh tasang pen bitlou ding ahi. Tua sang in Bible in a dih teng athu tah teng apom tah teng achi ahi.

2. Solna douzouna di: Jesu zong sol a a um lai in, Bible thu athei chieng zieh in, Setan in asol zou sih hi (Mat. 4:2-10). Jesu gilkiel a a um lai in, Setan in tana suong te tanghou sua ding in thu pia in a chia, hinanleh Jesu'n (Deu 8:3) "*Mihing tanghou guah in ahing sih ding a, nanleh Mangpa kam a thupawt in ahing zaw ding hi*" chin a dawng hi. Tualeh Setan in (Late 91:11-12) "*inn tung vum apat tawmkhe ding in a sawl a*", nanleh Jesu'n (Deu.6:16) a dawng a, "*Mangpa na Pasian uh na ze et ding uh ahi sih chia gel ahi achi hi*". Setan in khovel gam zousie a thupi nate a en sah a, bohkhup a chibai nang buh leh tam tengteng kang pe ding achi a, nanleh Jesu'n (Mat. 4:10) "*Mangpa na Pasian chibai buh in len ama nna chou sem in chi ahi*", achi hi.

Jesu leh Setan ki houlim na apat in ei ma Ginna kipsah na ding in Bible simzing leh Bible thei apoimaw mama ahi. Setan in tu-le-tu a inei maithei ding, i ut na lamlam ah ang puimang som a, adih hileh kilom in mihing ngaituanate a pui koi thei hi, nanleh tuate atopna khu shina hithei ahi. Sum ngainat bang khelna ahidan (I Tim. 6:10) chieng tah in agen hi. Sil gilou chinteng bul ahi, ginna a kipat pialmangthei na ahi a, lunggimna hing tun tu ahi. Dihloou tah a hausat na bang atop na ah mawtna ahi (Jer. 17:11).

3. Lampi dih a hing puitu ahi: Laisiangthou Sam Laibu gieltu in "*na thu khu ka keng a ding in meivah ahia, ka lampi a ding in vah ahi*" (Late 119:105) a chi hi. Zanchieng a miel lah a i va chiengin pei nading a kimu thei sih a, Meivah apoimaw hi, tuama bang in Mihing

khiel a puasa ten khiel ngaidam na tang a, hundam hithei dan dih itheisih a, Bible ah Jesu'n i thuoh tang a thuoh a, ang humdam a, Ama gingta pouma ten mangthang lou a kumtawn hinna a nei thei hi chi ang hil hi. "Aw Bible ka nuamna pen vangam lampi hing komutu" chia la a isah bang un.

Bible in gingtute vangphat dan chi muntampi ah agen a. Bible thu igiintat a, a get bang a i umleh shi nua a tangtawn hinna mai hilou in, tu damsung ngei a zong lungmuang tah leh kipahtah a um thei na zong ahi. Mimawlte a ding in pilna ahia, (Thup. 9:10) Mangpa giin khu pilna bulpi ahi, Meidawite ading in zong hangsan na ahi (Late 37:7). A mah zau mite pen akimvel uah Vansawлтаhten giahphual bawl in a imkual ua, amaute a hun khia uhi. "Mangpa khu kei hing chingpa ahia ka tasam sih ding hi" (Late 23: 1). Mangpa khu ang vengpa ahi zieh in zauding, tahsap ding umlou hi, Mangpa khu iki humbitna leh hatna mangbatlai a panpitu nai zing ahi (Late 46:1). Tasam ikisah chiengin (Late 24:1), Leitung leh asung a sil um zousie Mangpa a ahi. Gingtute khu Pasion tate ihia athu zui in ideite ngenlei hing pe ding ahi, (Late 34:9). Amah giing mite atasam ngaisih uhi, chi hi. Pasion thu kigelna laibu hoi tampi a um a, tualeh sermon hing tahtah zong tampi aum hi, tuate hoilou leh simlou dih chi na hilou in, tamte pen a geltute ngaidan toh ki hal ahia, Bible pen (I Peter 2 :2) sim lei "Naungeh suohtate bangin, na hundam na ua na khantou theina dingun, hagau nawitui sieng bangma toh hallou lunggul un". Tua Hagau nawitui sieng bangma toh hallou pen khu Bible ahi.

Thu khupsitna: Bible i sim chieng un sim zung zung mei lou in, i Bible sim in bang a gen ei? chi thei chien som ding ahi. Ageltun bang hun a, koite kung a agel, bang lampang agen na a diai? chi i ngaisut det det ding ahi. Bible i sim leh tu leh tu a zatpai ding a um a, pilvan na ding a um a, mi dihtat leh mi gillou te tan ding a um a, dihtat tah a ama nuazui te a ding in vangphat na a um a, ama Zau lou a khohsah na neilou a gamta thop thop te a ding in zong a top

.....

Khristian kichi napia dawi zau in hawlkhie ua, Jesu nei tahtah te dawiten zau uhi- Job Thawngno.

a mangthai na a hi dan, i mah ah hinna leh shina, gualzawlina leh sapsiat/ hamsietna akoi hi. Pasion giing a a thupiate zawp a, nichin kross lampi zui ngamte a ding in, hinna leh gualzawlina atang ding ua, nanleh khosah na neilou a, khelna bawlte a dingin atopna khu sapsiatna leh shina ahi. Bible in agen dan chiengtah a sim a deitel na dih siam ding ahi. Bible in hun nunung lam chieng a ding a chia a gelte zong chieng tah a thei ding ahi. Gensiam thu hilou in Bible gen pen adih ahi chi eima leh eima in kisui chien ding leh pom a hinpi ding ahi.

Simtute zousie Hagau siangthou in Bible theichien apoimaw dan leh Bible sim jou zing ding in hing gualzawl ta hen. ■■



LYF COLUMN

Topic: “AW KHANGLAI, NAGAM LEH NANAM or JESU KHRIST?”

(Patriotism or Jesus Christ)

- Evan. Ginminlun Tawtah, Youth Promotor

Apeisa nisim 27th February, 2014 apat tunitan Ukraine leh Russia kal ah huaisedeu tahmai in kidouna aum a, 2012 kum apat tunitan in Myanmar Civil War kidouna aum kia a, thakhatpi in Israel leh Hamas kal ah 7th October, 2023 apat tunitan ma in kidouna huaisia aum nalai hi. Jesu kungah nuazuiten na hing peikia nading leh leitung tawpna ding chiamtena bang ahi diai? Chia adohna uh dawn na in Jesu'n anuazuite kung ah, "nam tuom leh nam tuom akidou ding ua, gam tuom leh gam tuom akidou ding ua," achi hi (Mt. 24: 7). Nang leh kenzong eigam a hing tung ding a gintatna mawngmawng neilou in ikinaipi pen uleh adia a

Mi, thupingai deu na nei sih leh, nang athupilou na hizaw hi- Job Thawngno.

tahsa sisan a i unau sanggamte tenna Myanmar gam a Civil War pen ina gal et tho ua gengesah tampi inei lai un laphuatu khat gendan in "zan mang dia zong mulkim" huai khop in itenna gam ah Meitei leh Kuki-Zo tate kal ah gal gimnei tahmai ang pieng tamawh a, tunitan gal aum nalai hi.

Tam atung a gal kidouna igen te zousie uh tunitan a abei nailou gal ahiban ah eima gam leh i innsung tanpha uh hing sukhata ahi natoh igam sung ua ei gingtu tamtah te kamham ahi leh "Gal lai aveleh, en zong dop thei tawi thei dom a tawi a melmate douding ma ahi" chi ahi. Thamlou in tamipen khu tahsa vai ah ahidingma aveleh chia genzong tampi ki um hi. Hinanleh Jesu anuazuite kung a akammal "na melmate it unlen, nou hing bawl seta thu ngetpieh un," (Mt. 5: 44) chitoh ang kitua thei tasih ahi. Tami tungtang ah mihingte kammal leh Jesu kammal ah nang bang ngaidan nanei ei?

Apeisa B.C., 586 kum in Babylon kumpi Nebukadnezzar leh a galkapte khut ah Judah Leenggam khopi Jerusalem apuata a, anakilesahpi mama uh Kumpi Solomon in analam sa Jerusalem khopi a Pasion Biehinn (Temple) haltum in a um a, gal-le-sa apat kivenbit nading a ana lam uh khopi kulbangte zousie zong halvam in vutvai ana kisuapi ta uhi. Tuachi'n Hamath gam a Riblah khua ah Babylon Leengpa'n ama uh asatlum sieng tahi. Tambang in Juda agam apat in sal a puimang in a um tahi (Jer. 52:27). Tampen ahi leh Pasion mipa gualnei Jeremiah in Pasion apat thu amu dungzui a agenlawhna tangtunna (prophecy fulfilment) ahi (Jer. 25:9-11; 29:10).

Babylon saltan sung a Babylon gam leh Rom kumpi nuoi a gentheina leh hasatna natuahte gam leh nam itna (Patriotism) apat Pasion ana teal zaw mite en va ui:

Daniel: Kumpi thueh hinanleh nuol in a Pasion bieh in thu angen hi (Dan. 6:7; 10).

Consequence: Humpibahnei kul sung ah pailut in a um hi (Daniel 6:16).

Hun na mansah chiengin, na hinna mangsah na himai hi- John Hagai.

Reward: Pasion thupina amu a, aloupina in a umpi hi (Dan. 6:23). Leengpa Darius in aleenggam thuneina sung a um zousie kungah Daniel Pasion masang ah chitun in zau ueh aziehpén ama Pasion hing ahi chi'n a tangkouta hi. (Dan. 6:25-27).

Shadrak, Meshak leh Abednego: Leengpa Nebukadnezzar thupieh nuol in sana milim mai a kun in abesih uhi. (Dan. 3: 8-12; 16-18).

Consequence: Haltuina Meiphualpi sungah pailut in a umta uhi. Dan. 3:20-23.

Reward: Haltuina meiphualpi sung ah Pasion umpina atang uhi (Dan. 3:25).

Leengpa'n Pasion thupina mu in michin, namchin, hamchin in shadrak, Meshak leh Abednego te Pasion tung ah thu hoilou agenthei sih ding hi chi'n thupieh khautah abawl ta hi (Dan. 3:29).

Zealot kichipa Simon: Jesu'n anuazui sawmlehni ateelte lah ah apangkha hi (Luk 6:15).

Rom kumpi douding a nakipankhia Jews political movement a member khat anahi hi. Hinanleh Jesu thuhilte anaza a, gam leh nam itna a Rom kumpi nuoi apat suatatna del a asepnate apatsan kitawp in Jesu adin ahinna napekhia in Jesu nua anazui hi.

Ukraine vs Russia, Israel vs Hamas, Myanmar – Civil War, Manipur a Meitei leh Kuki-Zote i et a ahi leh gal neiten agalte uh a dou chiet uhi. Hinanleh Babylon in Judah Leenggam anadou lai in tuana Judami khangnou Daniel, Shadrak, Meshak leh Abednego ten i galte uh aveleh chi'n ana le dou sih ua, ama uh thununna nuoi ah ana khosa uhi. Thamlou in Juda Leenggam apat Babylon gamtanpha ah sal a pui in ana um ua, Babylon Leengpa Nebukadnezzar in atundoh sana milim mai ah kunlou in Leengpa thupia a nuol ta uhi. Agam anam ua ding chi'n Babylon Leengpa dou lou in leh a thupiah nuol in abieh uh Jehovah Pasion ading in shi zong khawh salou in Leengpa

Gingtute'n Bible i sim gige bang un, khovel in a sim gige khu gingtute ahi-Unknown.

thupieh a nual va-ia uhi. Agam anam ua ding sang in a Pasion ua ding in a dingdet uhi. Aziehpén Pasion in milim mai a kun a bie ahua ahi chi amanghil sih uhi (Exo. 20:4-5; Lev. 19:4; 26:1; Deut. 16:22).

Tuabang zousiete kawm kal ah, gingtu hina dawl a Jesu Khrist a i ginna uh hing suhsiet pieh leh hing lamang pieh thei khovel buoina hasatna tampite kawmkal ah kachi kanam leh kagam adin chi himasalou in Jesu Khrist adin chi'a dingdet ngam masa tuni'n igam ah khanglaite Jeus'n hing poimaw ahi. Kagam – Kagam, Kanam – Kanam chia sah-le-hang a kikou zua zua sang in Jesu Khrist adin chi'n hinkhua zang in nasem u'lei igam inam hing dam mailou ding ama? I gam leh i nam sung te uh hing damsah thei Jesu Khrist bou ahi. Pasion No. 1 a koi masa khanglaite hidin Jesu'n tuni'n nang leh kei ahing han hi. Gam leh nam leh eima dam nading in Mangpa nam a nei namte hi masa va ui (Late 33: 12). Shadrak, Meshak leh Abednego ten Leengpa thupieh anualngam zieh un Pasion loupina amu ua, Leengpa na ngawn in zong ama mitngei in amu a tuachi'n ama thuneina in ahuapkha gamsung a teng michin, namchin leh hamchin koima pou in Shadrak, Meshak leh Abednego te Pasion agensiat theilou ding ahi, chin thupieh abawl hi. Leengpa thupieh palsan a um a ahi leh satnen in a umding uhi, chi ahi va-ia hi.

Babylon gam sung a sal a pui a um Juda khangnoute bangin Pasion in aloupina suhlangtu hiding in tuni'n nang leh kei ahing poimaw nalai hi. Mangpa'n ang poimaw louhun hing tungbei kha ding hi. Tuami hun ang tun masang leh Pasion in ang poimaw nalai pet in kisathei lou in Pasion lang a hing kile ding leh nabawl thei khamkham Ama ading a bawl ding leh semding in Jesu'n ang han in ang poimaw nalai hi.

Aw Khanglai, Jesu'n nang hing poimaw ahi. Blessings!

■ ■

JCA to MELC KHANG TANGTHU A DIA AMASA PE'N
MELC UPA CAMP 2024 TOMKIM PULAH NA

- Rev. Suonboi Tungdim, *Chairman, Upa Camp Committee*



Ningkum 2023 kum sung a sepsuo dia MELC Kivaihawmna saang pen in thupuasah ana bawl uh, Upa Camp (Halhana Chielpi) khu Meitei gal ang up-phut zieh in ana kibawl thei nawn sih a, hizong leh Pasion in MELC upa teng a it seng man in, hun lemtang khat ang pe kia a, vaisai dia guot a um teng ban ah DS teng leh Pro-Pastor teng leh mitawm ngai phabep teng toh Upa Camp 2024 khu Nisim 27th August 2024 nitah 6.30 PM in Jacob Taona Mol, Old Gelmol ah vaiguon siensuona nei ahia, khum hun ah, Camp Director Pastor Kapkhanhau DS Moreh lamkai na in, Rev. Suonboi Tungdim DM, Camp Chairman in siensuona nei in, Rev Lamgen DS Behiang, Pasion thugenna anei a, thupoimaw phuon na Rev. Kamminthang DM. Camp Secretary in thuphuon anei a Rev. Dr. S.K. Manlun in hunzaw na anei hi.

Nisim 28th apat 30th August 2024 sung teng MELC Upa 79 teng a ding in, **Evan. T. Damkothang** in Hutdamna thu leh Haltha Chielpi in, "*Belampu Hoih*", (John 10:11) chi thupi gen in, nithum sung vaiguon ki nei in, Pasion Hagau nasep na jal in, Upa tampi te'n, Pasion hoina musem sem in, Shinua lam kinepna nei chiet in Camp pen ki lawching mama hi.

Nisim 30th Aug. 2024 nitah nai 3.30 PM in vaiguon khana kinei na

.....

*Na kipawlp na lawipa/ lawinu khu hing gen lechin, mi bangchi bang mi na hiei chi ka hing genchien mai ding hi- **Unknown.***

ah, Camp Chairman in vaiguon puitu hi na la in, Rev. Nengkhanlal Milun DS. LED in hunpat na anei a, The Rt. Rev. Khup Do Khen, Bishop MELC in hanthawn thugen na anei a, Silpieh piehna leh kipah thugen na Camp Secy in anei jou in Speaker pu in zong kipahtu gen in Rev. Dr. Ginkhanmung DS. Singngat in Camp khana anei a, tua jou in annkuong sawkhawm na kinei in, kipah tah leh lungdam mama in inn lam chiet akijuon ta hi.

Tam Camp adia tawmngaai tah a, Ann-neh tuidawn hing bawlpi, Evan. Thangkhanpiang, Evan. Tv. Ginminlun, Pa. Thangmuanpau, Nh. Nuambawi, Nu, Khupniang, Upanu Chingbawi, Nu Niangzahat, Nu Chinhoi leh Pro-Pastor teng, Media lam hingsaiپی Pa Khamkhanhau leh Divisional Superintendent teng tung ah i lungdam ma ma uhi.

Camp lawchin theina dia thuumna toh na pang teng, tha leh zung it lou a hingpang teng leh Upa 89 teng ban ah Speakerpu Evan. T. Damkhotang tung ah Jong lungdam thu ka phuong a, Mangpa Pasion in thupina tang ta hen. ■■

MELC INNSUNG THU

1. LUTHERAN PUBLIC SCHOOL:

Apeisa 5th September 2024 in Tripura Mission Field a um Kangrai, North Tripura mun a um “Lutheran Public School” in “Sangsyete Ni” (Teachers Day) nuom leh taitah in azang uh chithu akija hi. Tam School ah tulaitah in Sangsye (staff) agawm in Mi-9 ten asem uhi, mailam hun ah ang pichin semsem nadin thumpi chiet vai.



2. KHUPGOUVENG MELC DIA LALUTNA BISHOP IN NEI:

Apeisa Nisim 1st September, 2024 Nai 10:30Am in Khupgouveng khu MELC hattuom member khat hi ding in Rt. Rev Khup Do Khen,

Thudih kiphuol mangtheilou hi- Kawlte Thupil.

Bishop MELC in phuonkhietna anei hi. Vauguon tangpi ahileh:

- i) Hunkem: Upa M. Ginkhankhup, Secretary LWD
- ii) Vaidawn thugenna: Upa Jamsing, Chairman LWD
- iii) Pasion thugenna: Rev Suanboi Tungdim, Director of Ministries
- iv) LWD adia phuonkhietna: Rev Dr S.K. Manlun, DS/LWD
- v) Lungdam thugenna: Rev Kamminthang, Director of Mission
- vi) Tawpna thumna leh Annkuon latna: Rev Ph. Nangkhanlal, Biel Pastor LWD



Tam vaiguon hun sung a Houlimna neite ahileh Upa S. Zamzalam. Moderator MELC, Gen. Hqrt. ELWA, Gen. Hqrt. LYF leh Division akipat leh in Khotuol akipat in Upa Kaimang ten hun zang in nuomtah leh lawching tahin vaiguon zatzaw ahi tahi.

3. MELC OB TOUR AT THANLON DIVISION



Apeisa Nisim 29th September in Moderatorpu lamkaina nuoi ah MELC OB Tour-cum-Thanlon Division Sepguol kisuh tuana Leijangphai MELC mun ah nuomtah leh taitah in va zangkhwam in, itna annkuong zong sokhwam in, khelah tah in vaiguon zou sieng uhi.

Khantanouna zousie khu Pasion loupina ding ahilou leh sietn dinga khantouna ngen ahi- George MacDonal.

4. JPF SAI NA IN THUMKHAWMNA UM

Apeisa Nisim 19th October, Nai 8:00-9:00Am kikal in Joint Prayer Fellowship (JPF) saina in i gam sung a “Tuasia, sa shi” chite abei siengna ding “Thumkhawmna” mun tuomtuom ah zat in aum a, tuana ei Upa & Pastor ten Zoumunnuam Lei tangin, leitung ah thumkhawmna hun zang uhi.



5. DIVISION KHAWMPI ZOUSIE ZAW SIENG HITTA:

MELC huong sung a um Division-7 teng in “LYF, ELWA Division PAPAUL ten Division Kumkai Khawmpi” lawching tah in zou sieng ta uhi. Tualeh maban ah Khawmpi um dingte, “ELWA GHQ kumsim khawmpi, Mission khawmpi leh MELC Vaihawmna” buoina bangma umlou a zat ahi theina dingin amanpha i thumna uah lanchiet vai.

6. ZOU NAMPI THUMKHAWMNA UM

Apeisa Nisim 13th October, Nai 7:00-8:30Am sung UZO vaisaina in “A 37veina Zou Nampi Thawmkhawmna”, Thupi: “Thukhenna dih tui bangin luong hen” (Amos



5: 24) zangin Zou Presbyterian Church Synod (ZPCS), Zomi Colony mun a zat ahi. Pu Thangzamang, President UZO in Keynote Address hun azang hi. Thumna itemte ahileh:

- i) Pasion mai a kilatsiengna, kipathugenna, ngaidam ngetna.
- ii) Lamkaite ading, CSO leh Hattuum Lamkaite.
- iii) Ki vaihawmna tuom imuna ding un.

Na lawipa adamlai in palawm khat lepie in, a haan kuong tunga Rose pasan koi Sangin akipahzaw ding hi- Irish Blessing.

iv) Pasion kunga Nam maban ding thumna, chite ahi hi. Tam vaiguon ah Zou sung a Upa, Hattuum lamkaite leh mipite atam theipen a peikhawm in, nuomtah leh lawchingtah a zat ahi hi.

7. ELCB IN 6th ANNIVERSARY ZANG:

Pasion mapui na zal in ELCB kiphu apat kum 6 chingta hi. A paisa 13th October, 2024 ni in Pasion kunga kipah thugenna vaiguon thupitah ana kibawl zou tahi. Anniversary mang ding in MELC Zumpi akipat in The Rt. Rev. Khup Do Khen,



Bishop MELC leh Rev. Kamminthang, Director of Mission te hing kalsuon a Bangalore Hattuum ten i lamkai te imuh chieng lungmuon huoi kisa in kipahna sang mama mai hi.

Tam Anniversary Vaiguon hun ah Bishop in Pasion thutah gen na a nei a, Director of Mission in MELC Mission nasep dan report apieh a mipite lungkhoi mama mai hi. Bangalore sunga Zou speaking te lah a Hattuum 3 um te ZPCS leh ECF (Eimi Christian Fellowship) chiel ahi dungjui in lamkai te ang tel a amau te apat in Greeting message gen na ang nei sah ban ua Anniversary gift zong hoitah hingbawl ua lungdam huoi mama hi. Invited artistes - Miss Melody Hauzel, EBC leh Mr. Moses Khongsai, KWS apat chiel a umbang in Pasion phatna la ngaitah ang sah pieh uhi. Pa Henry Kapminlun in Conductor hina la in Pastor Incharge Pastor Douchinlal in 6th Anniversary Thanks Giving a nei a Local Chairman Pa Ginthang in Introductory mesage leh Church brief History gen na nei hi. Nupawl te leh Praise & Worship te apat in zong lapawl kilawm tah ngaikhiet ahi. Vaiguon noptah Pasion thu le laa a kipawl na hawmthoh komkom in aki zouta hi. ELCB akiphukhiet akipat tunitan a Local Pastor a hing um kha teng ahileh:

- i) Rev Khup Do Khen (2018-2020)
- ii) Pastor M. Thangboi Zou (2021-2023)
- iii) Pastor Douchinlal (2024-2026).

8. ELCB IN 1st KHANGLAI DAY ZANG:

Evangelical Lutheran Church Bengaluru penkum 6 ching tannanleh tuni tan in LYF official a phuahih naisih a LCC in ankaizing ahi. Khanglai member



ang pung deudeu tazieh in tukum in Khanglai Day akhatvei na ding in 17th September, 2024 in ana kizang hi. Tami Khanglai Day in Thupi: "Na khangdawn lai in nang hing siempa thei ngitnget in" (Thug. 12: 1) chi thupi pansan in Pastor Douchinlal, L/Pastor in Pasion thutah gen in Khanglaite tai mama uhi.

ELCB a dia Khanglai Day a lveina ahi man in mipi kithalawp mama in mi 130vel peikhom a Kikhopna Biehinn a kitah zoulou zen a khanglaiten thalawpna nei uhi. Program hun sung in khanglaite lah a pat lasana tampi aum a, tualeh choreography zong show na kinei hi. Pa Ginthang, Local Chairman in Greeting message gen in, khanglaite Pasion adia kizang in guolzawlna tampi toh Khanglai Day lawching sahding in hanthawn hi.

Source: Pa Ginthang, Local Chairman ELCB

9. ELWA MOREH DIV. IN SEMINAR NEI:

Apeisa Nisim 12/10 in Moreh Division ELWA ten One Day Seminar Immanuel Church Moreh MELC mun a anei ua, tuana Resource Person in Nh. Nuamboi, Women Promotor pang in Topic: "Khotang leh biehma a



Nuten tahsa leh hagau a pan la ding dan" leh, "Numei lamkai mopuohna leh nungthuop didan" ala hi. Division sung Nute atam theipen pei khawm in khelatah in vaiguon ajou uhi. ■■

SUUNNA

1. (L) REV. (RETD.) THANGCHINKHUP TUNGNUNG TANCHIN TOMKIM

(L) Rev. Thangchinkhup ahileh (L) Pu Liankhogin Tungnung leh Pi Nemkhoniang Tungnung tate nga lah a athumna ahi. April 10, 1960 kum in Tuaitengphai khuo ah ana pieng hi. A ittah azi Pastorpi Vungzaniang toh 1986 in Rev. Khupdoukham khut ah ana kiteeng uhi. Pasion apat gil aga goutan ta Pasal khat leh numei thum anei uhi. Siamzilna lam ah 1980 kum in Manipur Board ah Matric (HSLC) ana zou in, 1985 kum in Laisiengthou zilna ah Bachelor of Theology (B.Th.) ana zou hi. MELC Office ah Office Assistant in 1990 apat 2003 tan ana pang hi.



Vangsiat huaitah in 2019 apat Perkinson (Brian natna) hing nei pan in, doctor tuomtuom kung a pui leh etkol in ana um hi. Anatna ziehin Pasion Manggam nna asejna MELC Pastor apat in medical pension 31 August 2022 in ana la hi. Anatna etkol thei dandan in ki enkol nanleh damlam sang in hoilou lam manaw deudeu a, September 3, 2024 zinglam nai 09:00 in a itt angai a belum te leh a innsung mite nuasie in a siempa kunga khawldam masa ding in anapei ta hi.

Amahileh Sofa siam leh La lunglut mi zong ahia, Annneh- tuidawn ding dawnlou zen a Pasion phatna la ana buai pi ngap mi ahi. Pasion phatna la tampi ana siemkhiat banah Cassette zong ana bawl hi. Hattuum leh Khanglai lah a La lam khangtoug ding adei ziehin Hattuum leh Khanglaite La lam ah na pui huai tou den hi. Khotang leh hattuum ah zong theitawp in ana kizang hi.

KHOTANG LEH MISSION A AKI ZAH NATE:

- i) Kum: 1977-1980 Music Secretary, TYCA
- ii) Kum: 1980-1988 Secretary, TYCA 3. 1988-1996
- iii) Kum: 1988-1996: Secretary, ZCC Tuaitengphai
- iv) Kum: 1989-1998 Chairman, TYCA 5. 1992-1993
- v) Kum: 1992-1993: Secretary, ZKKP Lentang District
- vi) Kum: 1994-1997 Chairman, ZKKP Lentang District
- vii) Kum: 1996 Zoukuom Damtui Audio Cassette, Volume-I. Released at Hqtr. Church, Zomi Colony
- viii) Kum: 1996-2001 Superintendent, ZKKP
- ix) Kum: 1996-2015 Khangpidaw Artistes & MELC Central Choir
- x) Kum: 2000: Choir Conductor, Khangpidaw Artistes & Mang Immanuel Lenna Audio ana released hi.
- xi) Kum: 2004: Pro Pastor ding in Induction ana la hi
- xii) Kum: 2006: Assistant Secretary, Zou Christian Music Committee
- xiii) Kum: 2006-2008: Imphal Local Pastor.
- xiv) Kum: 2007: Pastor Piching dingin Ordination ana la hi
- xv) Kum: 2007: Choir Conductor MELC leh Zangaina Suongpi Audio ana released hi.
- xvi) Kum: 2008: Zoukuom Damtui Audio Cassette, Volume-II Released at Central Church, Tuibuang
- xvii) Kum: 2009-2011: Divisional Superintendent, Gundung Division, MELC
- xviii) Kum: 2012-2014 Director of Ministries, MELC

- xix) Kum: 2012-2014: Chairman, Lutheran Youth Fellowship, Gen. Hqtr.
 xx) Kum: 2015-2017: Divisional Superintendent, Lamka Division, MELC
 xxi) Kum: 2018-2021: Divisional Superintendent, Behiang Division, MELC

2. (L) UPA T. PUMMINTHANG TUNGNUNG TANCHIN TOMKIM

Phamsa Upa T. Pummithang ama ahii leh Phamsa Pu Liankham Tungdim leh Pi Ngaidim Tugnung te goutanh tapa tumhpen Nisimh 01-01 1940 kumh in (Chandel Dist) Khuongtal khuo ah ana pieng a, Laisim in Shillong ah Taanh sawm (Matric) ana jou a, Manipur University ah BA. BT ana jou hi. 1965 kumh in Upanu Nemkhoching toh na kinung in Pasion guoljawl na tapa 5 leh tanu 4 anei a, Khothum UJB School Head Master asem a, Assistant Inspector of School Chandel, in ana Pension ta hi, Hattuum pawlpi vai ah Education Chairman jongh ana hi a, Hattuum School te puophat ding tohguon tampi ana ngaituo hi, MELC Imphal Peniel Church ading in 2004 in Upa Ordain ana tang hi.



Lungtang lam (Heart/Cardio) nat na nei in aki keem jing a, gaal leh saa jieh in jatui jatang kituup nawn lou jieh in, District hospital Lamka ah Nisimh 4th September 2024, 10.40 AM in a it aji, atate, atute leh atusawn teng leh hattuum te nuasie in vankhopi ah khawldam in ana muolliem ta hi. Inn sung mite dei na bang in Sachihampah haanmuol ah Nisimh 5th September 2024 nin vuuliiem ana ahi tahi.

Pasion Belampute gel aw, kou Editorial Boardten zong kang suun mama ua, Pasion in na nuasie na innsung mite uh Hamuon chiet taken, chi ka thumna uh zong ahi hi. ■■

GIN-UMNA:

- By Managing Editor.

Company minthang mama khat a CEO pan ama dinmun luotu ding aholna ah, hichin abawl hi. Company a nasem zousie ahankhawm a, Haichi tang khat apieh a, Kumkia tu hun chia, a ga nang toi chiet ding uh chin, atu din asawl khe sieng tahi.

A kumkia in mi atamzaw in Haichi apat a ga (fruits) angtauwi chiet ua nanleh Bill kichipan, abawm guoh ang tawi hi. CEO pan Bill nang bangchi, chin a dong hi. Bill in zong, "Pu aw, nangpia Haichi khu ka zi toh kumbul apat kumtawp tanin ka tu ua, nanleh pou khe thei mawngmawng lou" chin adawng hi. Tuachi'n CEO pan ka tha heng ding mi kamu tahi, ama ahileh "Bill" ahi chia aphuonkhiat leh midang ten, Haichi tukhe jouloupa moh CEO a apan ding, chia agen uleh, CEO pan zong, "Kangpia Haichi khu ka huanmin sa ahia, ga suongtheilou ding ahi, nouten akibatpi haichi dang nala ua, na tu uhi. Nanleh Bill in tua kangpia haichi ma ginumtah a atu zing vangin poubutlou ahidan ang genkhie ziehin ama banga mi ginum ka sui ahi" achi hi.

Moral: Na gin-umna leh na chitahna abultung in kilangkhe zou paisih zong leh lungkelou in na gin-umna leh na chitahna natu zing pou leh, atawpna ah ang ga khe dinga, tuachia kipahna'n ang zui ding hi.

If undelivered, please return to
The Editor, Gospel Tangkou
MELC Office, Hqtr. Zomi Colony
Post Box – 10, Churachandpur 795128
Manipur, India,
e-mail: melcqrts@mail.com

Gospel Tangkou (Gospel Herald)
RNI Regd. No : 62170/95 MNP 76
(Hachin a kisuo, hattuum khanletna ding)

Printed at



Convention Book House
Dorcas Hall Campus, New Lamka

(RNI Regd. No:62170/95 MNP 76)
BOOK POST

To

.....
.....
.....